

Drugi poziv za podnošenje projektnih prijedloga u okviru Programa malih grantova namijenjenom jačanju kapaciteta organizacija civilnog društva (OCD) i medija za praćenje potrošnje budžetskih sredstava

Kontekst

Program malih grantova dio je projekta „LENS – jačanje kapaciteta organizacija civilnog društva za monitoring javnih budžeta“, koji provodi Centar za istraživačko novinarstvo (CIN) u partnerstvu s Centrom za istraživanja i studije – GEA i Udruženjem Futura za unapređenje kvaliteta življenja, uz podršku Delegacije Evropske unije u BiH. Cilj projekta je dati doprinos borbi protiv korupcije kroz unapređenje monitoringa budžetske potrošnje i korištenja javnih sredstava na lokalnom nivou kroz aktivno učešće civilnog društva. Organizacije civilnog društva u Bosni i Hercegovini imaju ključnu ulogu u unapređenju transparentnosti i odgovornosti javnih institucija. Međutim, lokalne organizacije civilnog društva često se suočavaju s izazovima prilikom primjene sistematskih istraživačkih metoda, provođenja učinkovitih zagovaračkih aktivnosti i uticaja na javno mnijenje.

Cilj programa malih grantova je:

- podijeliti sa OCD-ovima praktična iskustva u praćenju potrošnje javnih sredstava,
- ojačati lokalne zagovaračke inicijative u oblasti transparentnosti budžeta,
- povećati uticaj OCD-ova na lokalne politike i donošenje odluka.

Ciljevi javnog poziva

Ovaj poziv za dodjelu malih grantova namijenjen je jačanju kapaciteta organizacija civilnog društva (OCD) i medija za praćenje potrošnje budžetskih sredstava kroz različite aktivnosti.

Opći cilj poziva za dodjelu malih grantova je **povećati učinkovitost organizacija civilnog društva u praćenju potrošnje lokalnih budžetskih sredstava i zagovaranju unapređenja budžetskih procedura.**

Specifični ciljevi su:

- ojačati položaj lokalnih OCD-ova u praćenju lokalnih budžeta,
- pružiti prilike lokalnim OCD-ovima da utiču na javno mnijenje,
- povećati broj i kvalitet zagovaračkih poruka koje se upućuju lokalnim publikama.

Grantovska sredstva:

- Minimalni iznos granta: EUR 3.000
- Maksimalni iznos granta: EUR 8.000
- Ukupni raspoloživi budžet za dodjelu grantova u okviru drugog poziva: EUR 30.000
- Broj grantova koji će biti dodijeljeni u okviru drugog poziva: cca 5.
- Trajanje: do 6 mjeseci
- Sufinansiranje od strane podnosioca aplikacije: Nije potrebno



Pravo učešća

Kandidati moraju ispunjavati sljedeće uvjete:

- moraju biti pravno lice registrirano u Bosni i Hercegovini,
- moraju biti neprofitna organizacija civilnog društva,
- moraju imati dokazano iskustvo u oblasti demokratizacije i/ili zagovaranja,
- moraju biti direktno odgovorni za pripremu i upravljanje projektom,
- korisnici grantova iz prethodnog poziva za projekte ne mogu učestvovati u ovom pozivu.

Partneri kandidata također moraju ispunjavati iste kriterije podobnosti.

Prihvatljive aktivnosti

Prijedlozi moraju biti realizovani na teritoriji Bosne i Hercegovine i poželjno je da uključuju neke od navedenih aktivnosti :

- **Aktivnosti praćenja i analize lokalnih budžeta** koje mogu da obuhvataju analizu nacрта i usvojenih lokalnih budžeta (opšti budžet ili sektorski – npr. socijalna zaštita, infrastruktura, obrazovanje), praćenje izvršenja budžeta tokom fiskalne godine (kvartalni ili polugodišnji presjeci), analizu budžetske potrošnje po određenim programima, projektima ili budžetskim korisnicima, uporednu analiza planiranih i realizovanih budžetskih sredstava, priprema jednostavnih i razumljivih budžetskih izvještaja za građane („Budžet u par koraka“, „Gdje ide novac?“ i sl.)
- **Aktivnosti javnog zagovaranja i uticaja na donosiocce odluka** koje mogu da obuhvataju na izradu zagovaračkih dokumenata (policy brief, preporuke, inicijative, otvorena pisma, organizaciju sastanaka sa predstavnicima lokalnih vlasti (odbornici, načelnici, službe za finansije), učešće u javnim raspravama o budžetu i strateškim dokumentima, pokretanje lokalnih inicijativa za izmjene ili unapređenje budžetskih procedura, praćenje odgovora lokalnih vlasti na preporuke OCD
- **Aktivnosti usmjerene ka javnosti i medijima** koje mogu da obuhvataju medijske kampanje o budžetskoj potrošnji (tekstovi, intervjui, radio/TV gostovanja), pripremu i objavu istraživačkih priča ili serijala o lokalnim budžetskim temama, korištenje društvenih mreža za prezentaciju nalaza i zagovaračkih poruka, izradu infografika, kratkih video sadržaja ili vizualnih prikaza budžetskih podataka, saradnju sa lokalnim medijima na tematskim prilozima
- **Aktivnosti uključivanja građana i lokalne zajednice** koje mogu da obuhvataju organizaciju javnih tribina, okruglih stolova ili foruma građana o lokalnom budžetu, fokus grupe sa građanima o prioritetima javne potrošnje, edukativne radionice za građane o tome kako „čitati“ lokalni budžet, prikupljanje stavova i prijedloga građana u vezi s budžetskim prioritetima, rad sa ranjivim ili manje zastupljenim grupama (mladi, žene, ruralno stanovništvo)

- **Kombinovane i inovativne aktivnosti** koje mogu da obuhvataju pilot-inicijative za participativno praćenje budžeta, kombinaciju istraživanja, javne kampanje i zagovaranja u jednom projektu, korištenje digitalnih alata za vizualizaciju budžetskih podataka, lokalne „budžetske škole“ ili mini-akademije za građane i aktiviste, razvoj alata za praćenje budžeta (jednostavne baze podataka, check-liste, matrice)

Kriteriji za ocjenjivanje prijedloga

Prijedlozi će se ocjenjivati prema sljedećim kriterijima (maksimalno 100 bodova):

1. Relevantnost u odnosu na ciljeve i potrebe ciljnih grupa (30 bodova)
2. Efikasnost i izvodljivost (20 bodova)
3. Finansijski i operativni kapacitet (20 bodova)
4. Uticaj i uključenost zainteresovanih strana (10 bodova)
5. Integracija ranjivih grupa i rodne perspektive (5 bodova)
6. Održivost (5 bodova)
7. Budžet i odnos troškova i učinka (10 bodova)

Prednost će imati projekti koji osiguravaju geografski i tematski raznovrsniji pristup, kao i oni koji promovišu jednake šanse i inkluzivnost.

Prijava i rok za dostavu prijedloga

Prijave se moraju dostaviti elektronski na jednom od službenih jezika Bosne i Hercegovine, na **obrasцу za prijavu i obrascu budžeta** koji se nalazi u prilogu.

- E-mail za dostavu prijava: projekti@cin.ba
- Rok za dostavu prijedloga: 10. mart 2026.
- U rubrici Predmet e-maila obavezno navesti: „[Naziv kandidata] – Prijava za Program malih grantova“

Prijave koje stignu nakon roka ili koje ne budu u skladu sa uputstvima neće biti razmatrane.

Upiti

Pitanja u vezi sa ovim pozivom mogu se slati do 20. februara 2026. na e-mail: info@cin.ba

Podrška organizacijama civilnog društva koje učestvuju u Programu malih grantova

Kako bi pružili dodatne informacije i olakšali pripremu prijedloga, projektni partneri će organizovati obuku za zainteresirane organizacije civilnog društva, s fokusom na sljedeće teme:

- definisanje istraživačkog problema,
- kvantitativne i kvalitativne istraživačke metode i alati,



- formulacija i komunikacija inicijative,
- praktični alati za zagovaranje na lokalnom nivou i smjernice za provedbu lokalnih zagovaračkih kampanja.

Dodatne informacije:

- Rezultati procesa odabira biće direktno saopšteni kandidatima i objavljeni na internetskim stranicama partnerskih organizacija.
- Svi projekti moraju biti u skladu sa smjernicama EU za vidljivost.